

## URTEROKO AITORPENAK ETA ALDIZKAKOTASUNIK GABEKO AITORPENAK AURKEZTEKO EPEAK

### ERROLDA AITORPENAK

**009 eredia** : **jarduera ekonomikorik egiten ez duten pertsona fisikoek** (enpresa jarduerarik ez lanbide jarduerarik egiten ez dutenek) **erabili behar dute hauek egiteko**:

- Zergadunen erroldan alta emateko eskatu; ez NAN ez AIZ ez dutenek IFZ eskatu, zergetan eragina duten eragiketak eginez gero (ez-egoiliarrek 006 eredia erabili behar dute).
- Identifikazio datuen, zerga egoitzaren, egoera zibilaren edo familia unitatearen osakeran eragina duten familia datuen aldaketa jakinarazi.
- Heriotzagatiko bajaren berri eman.

Nola aurkeztu 009 eredia:

- 1.-Egoitza elektronikoa linean bete eta eredia Internetez bidali.
- 2.-Laguntza programa erabiliz bete (**www.araba.eus** webgunean eskura daiteke), inprimatu eta faxez, posta elektronikoz, postaz edo eskuan aurkeztu Ogasunari (helbideak eta fax zenbakiak kontsultatu nahi izanez gero, Gai Orokorrak atalean daude).
- 3.-Ogasunean (Errolda Kudeaketako eta Jakinarazpenetako Unitatearen Atala) edo Interneten eskuratutako inprimakia bete eta faxez, posta elektronikoz, postaz edo eskuan aurkeztu Ogasunari (helbideak eta fax zenbakiak kontsultatu nahi izanez gero, Gai Orokorrak atalean daude).

Jarduera ekonomikoren bat egiten duten pertsona fisikoek 037 eredia erabili behar dute komunikazio horietarako.

**036 Eredua** : **Pertsona juridikoek erabili behar dute** erroldako alta edo bajaren edo aldaketa baten berri emateko. Sozietateen gaineko zergaren subjektu pasibo diren pertsona juridikoek eta erakundeek 036 eredia nahitaez aurkeztu behar dute Internetez, egoitza elektronikoa bidez, identifikazio fiskaleko zenbakia eskatzeko aurkezten dutenean izan ezik.

Nola aurkeztu 036 eredia:

Egoitza elektronikoa linean bete eta eredia Internetez bidali.

Salbuespena: IFZ eskatzen duten pertsona juridikoek 036 eredia **www.araba.eus** webgunean eskura daitekeen laguntza programa erabiliz beteko dute eta PDF agiria inprimatuko dute Ogasunari aurkezteko. IFZ eskuratzeko, hitzordua eskatu behar da telefonoz (945 18 15 55).

Notarioek beren bezeroen behin-behineko identifikazio fiskaleko zenbakia Internet bidez eska eta lor dezakete.

**037 eredia** : **Pertsona fisikoek, jarduera ekonomikoa gauzatzen badute, eta sozietate zibilek, ondasun erkidegoek, jaraunspen banatugabeek eta gainerako erakundeek erabili behar dute** erroldako alta edo baja edo aldaketaren bat jakinarazteko.

Aurreko ekitaldian edo abian den urtean 15 erregistro baino gehiagoko urteko laburpena edo informazio aitortpena aurkeztu badute, pertsona fisiko enpresaburu edo profesionalek, sozietate zibilek, ondasun erkidegoek eta jabeen erkidegoek nahitaez aurkeztu behar dute 037 eredia Internetez egoitza elektronikoa bidez, baita BEZaren hileko itzulketen erregistroan alta edo baja emateko eskatzeko ere. Salbuespena izango da IFZ eskatzea.

Nola aurkeztu behar duten 037 eredia Internetez aurkeztera behartuta daudenek:

Egoitza elektronikoa linean bete eta eredia telematikoki bidali.

Salbuespena: IFZ eskatzen duten sozietate zibilek, ondasun erkidegoek eta jabeen erkidegoek **www.araba.eus** webgunean eskuragarri dagoen laguntza programa erabiliz beteko dute 037 eredia eta PDF agiria inprimatuko dute Ogasunari aurkezteko. IFZ eskuratzeko, hitzordua eskatu behar da telefonoz.

Nola aurkeztu behar duten 037 eredu Internetez aurkeztera behartuta EZ daudenek:

- 1.-Eredua egoitza elektronikoa linean bete eta telematikoki bidali.
- 2.-Eredua laguntza programa erabiliz bete (**www.araba.eus** webgunean eskura daiteke), PDF fitxategia inprimatu eta postaz edo eskuan aurkeztu Ogasunari (helbideak kontsultatu nahi izanez gero, Gai Orokorrak atalean daude).
- 3.-Ogasunaren bulego batean bete eredu, aldeztu aurretik ordua hitzartuz, 945 18 15 55 telefonora deituta.

**036 eta 037 ereduak aurkezteko epeak:**

**IFZ eskatzea:** pertsona juridikoen eta nortasun juridikorik gabeko erakundeek, Arabako lurralde historikoa eratu edo ezarri eta hurrengo hilabetean, eta nahitaez enpresa edo lanbide jarduerari ekin baino lehen.

**Alta aitortzea, IFZ edukita:** jarduerari ekin baino lehen, eragiketarik egin baino lehen edo atxikipenak edo konturako sarrearak egin beharra sortu baino lehen.

**Aldaketa aitortzea:** oro har, hilabete izango da aurkeztu beharra sortzen duena gertatu eta hurrengo egunetik aurrera, salbu eta urtarrilaren 25eko 3/2011 Foru Dekretuak (ALHAO, 17. zk., 2011ko otsailaren 9a), zergadunen errolda bakarra eta errolda betebeharrak arautzen dituenak, 13.4. artikuluan aipatutakoak aurkezteko.

**Baja aitortzea:** hilabete, jarduera eteten denetik, bidezko erregistro ofizialeko idazpena deuseztatzen denetik edo zergapekoa hiltzen denetik.

**BEZaren hileko itzulketen erregistroan inskribatzeko eskatu:** inskripzioak ondorioak sortu behar dituen urtearen aurreko urteko azaroan. Subjektu pasiboek, erregistroan inskribatzeko eskaera aurkeztu ez dutenek inskripzioak eragiten hasi behar duen urtearen aurreko urteko azaroan, eta enpresaburuek eta profesionalak, enpresa edo lanbide jarduerari dagozkien ondasun entrega edo zerbitzu emateak gauzatu hasi ez arren jarduera horietarako ondasunak edo zerbitzuak eskuratu dituztenek (ondasun edo zerbitzuen xedea elementu objektiboan bidez berretsi behar da), orobat eskatu ahal izango dute erregistroan inskribatzeko aldizkako aitortpen-likidazioak aurkezteko dagokien epean (hila edo hiruhilekoa). Entitate taldeentzat abendua da epea.

Eskaera, nahitaez, Interneteko egoitza elektronikoa bidez 036 eta 037 ereduak beteta egin behar da.

**BEZaren araubide berezi bat hautatu, hautatutakoari uko egin edo hautapena balio gabetu:** oro har, ondorioak sortu behar dituen urte naturalaren aurreko urteko abenduan.

**PFEZen jarduera ekonomikoaren etekina zehazteko modalitatea hautatu edo hautapena balio gabetu:** Zuzeneko zenbatespen erraztuaren hautua edo hautuari uko egitea aurkeztuko da eragina izaten hasi behar duen urteko urtarileko hilabete osoan zehar eta martxoaren 1 baino lehen. Jarduera bati ekiten bazaio, jardueraren alta jakinaraziko den errolda aitortpenaren 037 ereduaren adierazi behar da modalitatea hautatu dela.

**PERTSONA FISIKOEN ERRENTAREN GAINEKO ZERGA ETA ONDAREAREN GAINEKO ZERGA**

Pertsona fisikoaren errentaren gaineko zergaren eta ondarearen gaineko zergaren aitortpena aurkezteko epea:

**Hasiera** ..... **2020ko apirilaren 6an (\*)**

**Amaiera** ..... **2020ko ekainaren 25ean (\*)**

(\*) Geroko arau xedapenek epea aldatzen ez badute.

**ONORDETZEN GAINEKO ZERGA**

Autolikidazioa kausatzailearen heriotza gertatzen den egunaren edo heriotzaren aitortpena irmo bihurtzen den egunaren biharamunetik **SEI hilabete** pasatu baino lehen aurkeztu behar da (ereduak: 650, 652, 653, 654 eta 655).

Sei hileko epea hamar hilabetera luzatuko da, kausatzailearen heriotza edo Kode Zibileko 966. artikuluan aipatzen diren gertaerak atzerian gertatzen badira.

## DOHAINTZEN GAINEKO ZERGA

Autolikidazioa zerga egitatea gertatzen denetik 30 egun baliiodun pasatu baino lehen aurkeztu behar da (ereduak: 651, 652, 653, 654 eta 655).

## ONDARE ESKUALDAKETA ETA EGINTZA JURIDIKO DOKUMENTATUEN GAINEKO ZERGA

**600U, 600R, 600M, 600P, 600S ereduak** : Autolikidazioa aurkezteko epea **30 egun baliioduneko**a da kargapeko eragiketa jasotzen duen agiria egilesten denetik aurrera.

**630 eredu**a : 192.323,87 eurotik gorako zerga oinarria duten kanbio letren gaidikina eskudiruz ordaintzea: **30 egun baliiodun**, zerga egitatea gertatzen denetik. Atzerriko letren kasuan, epea **30 egun baliioduneko**a da, Espainiako lehenengo edukitzailearen eskura jartzen direnetik.

**620-TV eredu**a : zenbait garraiobide erabiliren partikularren arteko salerosketa: **30 egun baliiodun** ibilgailua eskualdatzen denetik.

**610 eredu**a : kreditu erakundeek negoziatutako dokumentuak kargatzen dituen egintza juridiko dokumentatuen gaineko zerga eskudiruz ordaintzea: dagozkion eragiketak sortu eta hurrengo hilabetearen 25. egunera arte, salbu uztaileko zerga, zeinaren aitorpena irailaren 25era arte aurkeztu eta ordaindu ahal izango baita.

**611 eredu**a : aitorpenaren urteko laburpena; hurrengo urteko otsailaren 1a baino lehen aurkeztu beharko da, eta bertan jaso beharko da aurreko urtean negoziatzeko edo kobratzeko onartu diren ordainagiriak, ordaindukoak, txekeak eta merkataritzako beste dokumentu batzuk kargatzen dituen ondare eskualdaketa eta egintza juridiko dokumentatuen gaineko zergan eskudirutan ordaindutako zenbatekoei buruzko informazioa.

## BALIO ERANTSIAREN GAINEKO ZERGA

**308 eredu**a : **itzulketa eskaera** ez enpresaburu ez profesional ez direnek EBko beste herrialde batzuetara egindako garraiobide berrien entrega salbuetsiengatik: 30 egun natural ematea gertatzen den egunetik.

**Itzulketa eskaera**, bidaiariak edo salgaiak errepidez garraiatzen dituzten subjektu pasiboek, erregimen berezi erraztua aplikatzen dutenek, jarduera horiei atxikitako garraiobideak eskuratzeagatik jasandako kuota: garraiobidea eskuratu ondoko hileko lehen 25 egun naturala.

**309 eredu**a : **aldizkakotasunik gabeko aitorpen-likidazioa**, ez enpresaburu ez profesional ez direnek EBko beste herrialde batzuetan garraiobide berriak eskuratzeagatik aurkeztu beharreko: 30 egun natural ondasuna eskuratzen denetik, eta nahitaez behin betiko matrikulatu baino lehen.

- **Hainbanaketa berezia aplikatzea hautatu edo hautapena baliogabetu**: ekitaldiko 390 ereduan egin daiteke eskaera. Hartara, 2020ko urtarrilaren 1etik 30era bitartean hautatu ahalko da 2019rako hainbanaketa berezia aplikatzeko edo baliogabetu ahalko da hautatzea.

- **Erregistro liburuak** Arabako Foru Aldundiko egoitza elektronikoa bidez (BIH) **kudeatzea**; hain zuzen ere, fakturazio erregistroak elektronikoki hornitzea, 2018ko urtarrilaren 1etik aurrera.

**BIH nahitaezkoa** da likidazio aldia hilabete naturalarekin batera doakien enpresaburu, profesional eta gainerako subjektu pasiboentzat: enpresa handiak, BEZaren taldeak eta Hileko Itzulketen Erregistroan (REDEME) izena emanda daudenentzat.

**BIHari atxikitzeko betebeharrak ez dutenek**, ordea, beren borondatez ere atxiki ahal zaizkio, **036 edo 037 ereduko aukera** baliatuz; eragina izaten hasi behar duen urte naturala hasi aurreko azaroan baliatu ahal izango dute aukera hori, edo jarduera hasteko aitorpena aurkezten dutenean, bestela. Aukera hurrengo urteetarako luzatu dela ulertuko da, aplikatzeari uko egiten ez zaion artean. Uko egitea 036 edo 037 ereduan egingo da, eragiten hasi behar duen urtearen aurreko azaroan.

Oro har, BIHa aplikatzen dutenak salbuetsita daude "Hirugarren pertsonetik eragiketen aitorpena" izeneko **347 eredu**a aurkeztetik.

## SOZIETATEEN GAINEKO ZERGA

### 200-220 ereduak: Sozietateen gaineko zergaren aitorten-likidazioa

Aitorpena zergaldia amaitu eta hurrengo sei hilen ondoko 25 egun naturaletan aurkeztu behar da. Establezimendu iraunkorren bidez jardunez gero, betebeharrerako subjektu pasiboek ere aurkeztu behar dute.

Aipatutako epearen hasieran Ogasun, Finantza eta Aurrekontu Saileko foru diputatuak ez badu zehaztu zergaldi horretako aitorpena aurkezteko era, 25 egun natural izango dira aitorpena aurkezteko, aurkezteko era hori zehazten duen araua indarrean jartzen denetik aurrera.

Dena den, kasu horretan subjektu pasiboak aurreko paragrafoan aipatutako epean aurkeztea du aitorpena. Horretarako, aurreko zergaldiko aitorpenerako ezarritako betekizun formalak bete beharko ditu.

Zergak Bizkaiko, Gipuzkoako, Nafarroako eta lege arrunteko lurraldeko araudien pean ordaintzen dituzten erakundeek araudi horietan ezarritakoa bete behar dute, eta aitorpenak prestatuko dituzte nork bere administrazioko laguntza programak erabiliz.

Sozietateen gaineko zergaren aitorten guztiak, araudi aplikagarria eta aitorpen eredu (200 edo 220) edozein direlarik ere, telematikoki aurkeztu beharko dira egoitza elektronikoa erabiliz.

### 20R ereduak: Eragiketa hauen zerga araubide berezia aplikatzeko aukeraren komunikazioa: bategiteak, zatiketak, aktibo ekarpenak, balore trukeak, aktiboaren eta pasiboaren lagapen osoak, eta Europako sozietate edo sozietate kooperatibo baten egoitza Europar Batasuneko estatu kide batetik beste batera aldatzea.

Eragiketa dokumentatzen duen eskritura publikoa inskribatu eta hurrengo hiru hilabeteetan aurkeztu beharko da. Inskripzioa beharrezkoa ez bada, eragiketa dokumentatzen duen eskritura publikoa egilesten den egunetik aurrera zenbatuko da epea. Eskrituran, Sozietateen gaineko Zergaren Foru Arauaren 114. artikuluan ezarritakoaren arabera, adieraziko da araubidea hautatu dela.

20R ereduak telematikoki aurkeztu behar da nahitaez, egoitza elektronikoen bitartez.

### 202-222 ereduak: sozietateen gaineko zergaren konturako ordainketa zatikatuaren aitorten-likidazioa, Araban tributatu eta Nafarroako edo lege arrunteko lurraldeko araudia betetzen duten zergadunei zuzendua.

Zergadunari aplikatzekoa zaion araudian ezarritakoaren arabera kalkulatu da ordainketa zatikatua.

Apiril, urri eta abenduaren lehenengo 20 egun naturaleko epea izango da aurkezteko.

Nahitaez telematikoki aurkeztu behar dira, egoitza elektronikoa eskuragarri dagoen eredu online betez.

### 203-223 ereduak: sozietateen gaineko zergaren konturako ordainketa zatikatuaren aitorten-likidazioa, Araban tributatu eta lurralde historikoetatik edozeinetako araudia betetzen duten zergadunei zuzendua.

Betebeharreratik salbuetsita daude mikroenpresatzat edo enpresa txikitat jotzen diren erakundeak eta talde fiskalak, edo Sozietateen gaineko Zergaren Foru Arauak 56. artikulua 4. eta 5. apartatuetan ezarritako karga tasak ordaintzen dituztenak.

Urriaren lehenengo 25 egun naturaleko epea izango da aurkezteko.

Telematikoki egoitza elektronikoen bidez baino ezin dira aurkeztu.

### 231 ereduak: Informazio aitorpena herrialdez herrialde.

Aurkezteko epea hau izango da: eman beharreko informazioa zein zergaldiri dagokion, hura amaitu eta hurrengo egunetik hasi eta zergaldi hori amaitu ondoren hamabi hilabete igaro arte.

Nahitaez telematikoki aurkeztu behar da, egoitza elektronikoa eskuragarri dagoen eredu online betez.

**232 eredia** : Informazio aitortpena, eragiketa lotuei eta zerga paradisuekin lotutako eragiketei buruzkoa.

Eman beharreko informazioak aipatzen duen zergaldia amaitu eta ondorengo hamar hilabeteen ondorengo hilabeteen aurkeztu beharko da.

Telematikoki egoitza elektronikoaren bidez baino ezin da aurkeztu.

**ZENBAIT GARRAIOBIDEREN GAINEKO ZERGA BEREZIA**

**05 eredia** : zergapean ez egoteko edo salbuespena edo zerga oinarriaren murrizketa aplikatzeko aurretiatzko onarpena eskatzen bada, eredu hau behin betiko matrikulazioa baino lehen aurkeztu behar da 576 ereduarekin batera.

**576 eredia** : autolikidazio eredu hau garraio bidea behin betiko matrikulatu aurretik aurkeztu behar da, bai eta diru sarrera egin ere, behar izanez gero.

**06 eredia** : aitortpen eredu hori aurkeztu behar da, zergadunari, kargapean ez egoteko edo salbuesita egoteko, aurretiatzko onarpena eskatzen ez zaionean.

**JARDUERA EKONOMIKOEN GAINEKO ZERGA**

Jarduera ekonomikoaren egoitzaren alta, baja edo aldaketa egin nahi duten zergadunek errolda aitortpena (036 edo 037 eredia) aurkeztu beharko dute jarduera ekonomikoaren gaineko zergako jarduera-egoitzaren alta, baja edo aldaketa izapidetu aurretik, dela dagokien udalean (udal kuota) edo Arabako Foru Aldundian (probintzia kuota edo estatu kuota) (10/2015 Foru Dekretua, martxoaren 10ekoa; ALHAO, 33. zk., 2015eko martxoaren 18koa).

Errolda aitortpena eskatuko da, orobat, Gizarte Segurantzaren LAABeko altak izapidetzeko.

- **ALTA aitortpenak**: jardueran hasi aurreko hamar egun baldiodunetan aurkeztu behar dira.
- **ALDAKETA aitortpenak**: aldaketa ekarri duena gertatzen denetik hilabete igaro baino lehen aurkeztu behar dira.
- **BAJA aitortpenak**: hilabete, jarduerari uzten zaionetik.  
Subjektu pasiboa hilez gero, haren kausadunek baja aitortpena egin behar dute aurreko paragrafoan aipatutako epean (heriotza egunetik zenbatuta).
- **Eragiketen zenbatekoaren jakinarazpena**: **848 eredia** : jakinarazpenak ondorioak sortu behar dituen urteko urtarrilaren 1etik otsailaren 14ra arte, biak barne.

**Aitortpenak aurkezteko lekua:**

- a) Udal kuotaren bidez ordaintzen denean, jarduera egiteko tokia zein udal barrutitan dagoen begiratu da, eta hari dagokien udaletxean egingo da, zergaren jarraibidean definituta dagoen bezala.
- b) Probintziako edo estatuko kuotaz ordaintzen denean, Arabako Foru Aldundian.
- c) 848 eredia Zergadunetikiko Harremanetarako Zerbitzuan aurkeztu daiteke edota postaz bidal daiteke Arabako Foru Ogasunera.

**EZ-EGOILIARREN ERRENTAREN GAINEKO ZERGA**

**1.- ESTABLEZIMENDU IRAUNKORRA DUTENAK**

Arabian dagoen establezimendu iraunkor baten bidez diharduten subjektu pasiboek zerga ordaintzeko betebeharrak pertsonala duten subjektu pasiboentzat ezarritako **modu, leku eta epeetan** aurkeztu behar dute aitortpena.

Atzerrira bidalitako errenten gainean zergapetze osagarririk izan bada, 210 eredia ere aurkeztu behar dute.

## 2.- ESTABLEZIMENDU IRAUNKORRIK GABEAK

**210 eredia :** Establezimendu iraunkorrik gabeko ez-egoiliarren aitorten arrunta.

### **Aurkezpen telematikoa**

Autolikidazioa aurkezteko eta, hala behar izanez gero, ordaintzeko epea, kasu hauetan, errenta motaren araberakoa izango da:

- a) Ondasun higiezinak eskualdatuta lortzen diren errenten autolikidazioak aurkezteko, likidazioaren emaitza gorabehera, hiru hilabete izango dira, ondasun higiezina eskualdatu denetik hilabete igarotakoan zenbatzen hasita.
- b) Ondasun higiezinaren errenta egotzien kasuan, sortzapen egunaren hurrengo urte osoa; hain zuzen ere, urteko azken egunean bukatuko da epea.
- c) Ordaindu beharreko gainerako errentak edo zero kuotadunak, hiru hileko bakoitza bukatu ondorengo lehen hogeita bost egunetan, aurreko hiru hilekoan sortutako errentei gagozkiela.
- d) Itzultze eskaerako gainerako errentak: bost urte izango dira, itzulketa eragiten duten atxikipenen eta konturako sarreraren autolikidaziorako eta sarrerarako epealdia amaitzen denetik aurrera. Bost urteko epe hori autolikidazio guztiei aplikatuko zaie, itzulketa zerk eragiten duen kontuan hartu gabe (estatu barruko arautegiak edo zergapetze bikoitza saihesteko hitzarmen batek); hitzarmena garatzen duen aginduak epe laburragoa finkatzen duen kasuetan ere aplikatuko da. Autolikidazioa aurkezteko epealdia amaituzat joko da aurkezten denean.

**211 eredia :** aitorten-likidazioa. Establezimendu iraunkorrik gabeko ez-egoiliarrei ondasun higiezinak erostean egindako konturako atxikipena.

Establezimendu iraunkorrik ez duten ez-egoiliarrei ondasun higiezinak erostean egindako atxikipena (% 3) ordaintzeko erabiliko da.

### **Aurkezpen telematikoa**

**Epea:** hilabete, higiezina eskualdatzen den egunetik aurrera.

**213 eredia :** Entitate ez-egoiliarren ondasun higiezinaren gaineko karga berezia

Erakunde ez-egoiliarren ondasun higiezinaren gaineko karga berezia aitortzeko eta ordaintzeko erabiliko da.

**Epea:** urte bakoitzeko abenduaren 31rako sortutako karga hurrengo urteko urtarrilean aitortu eta ordaindu behar da.

**216 eredia :** Ez-egoiliarrek establezimendu iraunkorrik gabe lortutako errenten gaineko atxikipenen eta konturako sarreraren aitorten-likidazioa.

Ez-egoiliarren errentaren gaineko zergaren zergadunek establezimendu iraunkorrik gabe lortutako errentei konturako sarrerak edo atxikipenak aplikatu behar dizkieten subjektuek erabili behar dute.

### **Aurkezpen telematikoa**

**Epea:** hiru hileko aitortpena bada (oro har), apirilaren, uztailaren, urriaren eta urtarrilaren 1etik 25era arte. Hileko aitortpena bada (enpresa handiak > 6.010.121,04 € aurreko urtean): hilaren 1etik 25era, aurreko hilarekiko; salbuespena: uztailekoak, hurrengo abuztuaren 1etik irailaren 10era arte aitortu behar dira.

**289 eredia :** Finantza kontuen urteko informazio aitortpena elkarrekiko laguntzaren esparruan.

Bitarteko elektronikoen bidez aurkeztu behar da, web zerbitzuen bidez.

**Epea:** Urtarrilaren 1a eta maiatzaren 31 bitartean, urtero, aurreko urteko finantza informazioari buruzkoa.

**290 eredia :** Zenbait pertsona estatubatuaren finantza kontuen urteko informazio aitortpena.

Mezu informatikoa igorri aurkeztu behar da.

**Epea:** Urtarrilaren 1a eta maiatzaren 31 bitartean, urtero, aurreko urteko finantza informazioari buruzkoa.

**291 eredia :** Ez-egoiliarren kontuen etekinei buruzko informazio aitortpena.

**Epea:** urtarrilaren 1etik otsailaren 10era arte, aurreko urte naturalean lortutako etekin aitortzeko.

**296 eredua** : **Atxikipenen eta konturako sarreraren urteko laburpen aitortpena. Establezimendu iraunkorrik ez duten ez-egoiliarak.**

296 eredua honako hauek aurkeztu behar dute: ez-egoiliarren errentaren gaineko zergaren legezko arauetan ezarritakoarekin bat etorri zerga horren zergadunek establezimendu iraunkorrik gabe lortutako errenten gainean zerga hori dela eta atxikipenak edo konturako sarrerak egin behar dituzten pertsona fisikoek, juridikoek eta gainerako entitateek. Horretatik salbu daude inbertsio kolektiboko entitateen kapitalaren edo ondarearen akzioak edo partaidetzak eskualdatzen edo itzultzen direnean atxikipena edo konturako sarrera egin behar duten pertsonak, zenbait loteria eta apustutako sarien gaineko atxikipena edo konturako sarrera egin behar dutenak, eta 21/2014 Foru Arauak, ez-egoiliarren errentaren gaineko zergarenak, 25. artikuluko 2. apartatuan aipatzen duen atxikipena egin behar dutenak establezimendu iraunkorrik gabeko ez-egoiliarrei ondasun higiezin erositako gero, urteko laburpenaren eredu berezia baitute.

**Aurkezpen telematikoa**

296 eredua baliabide telematikoen bitartez aurkeztu behar da nahitaez Arabako Foru Aldundiaren egoitza elektronikoa ([www.araba.eus](http://www.araba.eus)).

**Epea:** Urte bateko aitortpena hurrengo urteko urtarrilaren lehenengo hogeita hamar egun naturaletan aurkeztu behar da.

**299 eredua** : **Europar Batasuneko beste estatueta eta informazio-trukea itundu deneko beste herrialde eta lurraldeetan bizi diren pertsona fisikoek lortutako zenbait errentaren urteko aitortpena.**

**Epea:** martxoan aurkeztu behar da.

**GOGORATU**

- Zerga baten aitortpena aurkezteko epeko azken eguna jaieguna edo larunbata izanez gero, epea hurrengo egun baliodunera arte luzatuko da (44/2003 Foru Dekretua, martxoaren 7koa; ALHAO, 36. zk., 2003ko martxoaren 28koa).  
Neurri horrek ez du eraginik izango finantza erakundeek Arabako Foru Aldundiari diru sarrerak egiteko finkatuta dauzkaten egunei dagokienez.
- Harpidetza egin dezakezu [www.araba.eus](http://www.araba.eus) webgunean (Ogasuna - Zerga informazioa – Egutegi fiskala), hil bakoitzari dagokion epemugak jasotzen dituen egutegia hilerok jasotzeko.